

ԵԿԵՂԵՅԱԿԱՆ ԿՅԱՆՔ.

ԼՈՒՐԵՐ

V ՆԱՄԱՇԽԱՐՆԱՅԻՆ ՌՈՒՍԱԿԱՆ ԺՈՂՈՎՐԴԱԿԱՆ ՆԱՄԱԳՈՒՄԱՐԻ ԲԱՅՈՒՄԸ ՄՈՍԿՎԱՅՈՒՄ

Դեկտեմբերի 6-7-ը Մոսկվայում գումարվեց Համաշխարհային Ռուսական Ժողովրդական Համագումարի հերթական՝ թվով 5-րդ ժողովը, որին մասնակցում էին Ռուսաստանի Դաշնության կառավարության բարձրաստիճան պաշտոնյաներ, տարբեր կուսակցությունների առաջնորդներ և ներկայացուցիչներ, հասարակական և մշակութային կազմակերպությունների նախագահներ, Ռուս Ուղղափառ Եկեղեցու բարձրաստիճան հոգևորականներ, քույր Եկեղեցիների և այլ կրոնների ներկայացուցիչներ: Ժողովին մասնակցելու նպատակով Մոսկվա էին ժամանել նաև պատվիրակություններ Ռուսաստանի 20 շրջաններից, ինչպես նաև ներկայացուցիչներ Բելոռուսիայից, Ղազախստանից, Ուկրաինայից, Լիտվայից, Հայաստանից և Ֆրանսիայից: Ժողովականների առջև խոսքով հանդես եկավ Նորին Սրբություն Ալեքսիյ Բ-ն, հույս հայտնելով, որ «Մուրբ Ծննդյան 2000-ամյակի նախօրեին տեղի ունեցող այս երկխոսությունը» գերազույն նպատակ կունենա Հայրենիքի բարօրությունը և կրնա նաև փոխըմբռման և խաղաղության մթնոլորտում: Ժողովի վերջում ընդունվել է «Ռուսաստանը քրիստոնեության 2000-ամյակի շեմին» վերնագրված ընդհանուր հայտարարագիրը:

**ԱԹԱՅԻ ԹԵՄԸ ՆԵՐՔՈՒՄ Է ՊԵՏԴՈՒՄԱՅԻ
ՊԱՏԳԱՄԱՎՈՐՈՒԹՅԱՆ ՈՐՈՇ ԹԵԿՆԱԾՈՒՆԵՐԻ
ՆԱՅՏԱՐԱՐՈՒԹՅՈՒՆՆԵՐԸ՝ ԿԱՊՎԱԾ ՌՈՒՍ ԵԿԵՂԵՑՈՒ
ՆՈՎԱՆԱՎՈՐՈՒԹՅԱՆ ՆԵՏ**

Ռուս Ուղղափառ Եկեղեցու Ալթայի թեմը հանդես է եկել մի հայտարարությամբ, որով հերքում է Պետդումայի պատգամավորության որոշ թեկնածուների այն հայտարարությունները, թե ուղղափառ հոգևորականությունը պաշտպանում է իրենց: Թեմի մամլո ծառայության հայտարարության մեջ ասվում է, որ Սուրբ Սինոդի համապատասխան որոշման համաձայն Եկեղեցին չի խառնվում քաղաքական պայքարի մեջ՝ պահպանելով իր չեզոքությունը: Սինչդեռ Ալթայի շրջանի պատգամավորության որոշ թեկնածուներ օգտագործում են Եկեղեցու հեղինակությունն իրենց անչնական շահերի նպատակով, որը միանգամայն անթույլատրելի է:

**ԵԿԱՏԵՐԻՆԲՈՒՐԳԻ ՆՈԳԵՎՈՐԱԿԱՆՆԵՐՆ
ԱՂՈԹՈՒՄ ԵՆ ՁԻԱՀ-ՈՎ ՆԻՎԱՆԴՆԵՐԻ ԱՌՈՂՋՈՒԹՅԱՆ
ՆԱՄԱՐ**

Դեկտեմբերի 1-ին, Եկատերինբուրգի թեմի հոգևորական Վիտալի Պոպովը տեղի ՁԻԱՀ-ի դեմ պայքարի կենտրոնում հիվանդների առողջության համար Պատարագ մատուցեց: Հավարտ Պատարագի, դիմելով ներկաներին, Հայր Վիտալին ասել է. «ճիշտ չէ ՁԻԱՀ-ը նկատել իբրև Աստծո պատիժ: Զրիստոնեական Աստված՝ Ողորմած Աստված է: Տերն այսպիսի հիվանդություններ է թույլ տալիս ոչ միայն մեր մեղքերի պատճառով, այլև՝ մեր փորձության և դարչի համար»: «Աստված մահաբեր հիվանդությունները թույլ է տալիս, որպեսզի մարդ մահվան և օրավուր մոտեցող հավիտենության դեմ շտկի իր կյանքը, դարչի գա, ապաշխարի և առաքինի կյանք վարի», - ավելացրել է նա:

ԱԼԵԶԱՆԴՐ ՊԱՏՐԻԱՐԻ ՆԱՆԴԻՊՈՒՄԸ ԱՐԱԲԱԿԱՆ ԵՐԿՐՆԵՐԻ ԴԵՍՊՈՆՆԵՐԻ ՆԵՏ

Դեկտեմբերի 21-ին պատրիարքական նստավայրում Նորին Սրբություն Ալեքսիյ Բ-ն, հանդիպում է ունեցել Ռուսաստանում հավատարմագրված արաբական երկրների դեսպանների հետ: Հանդիպմանը մասնակցել են Արաբական պետությունների Լիգայի դեսպանը, Պաղեստինի, Իրաքի, Եգիպտոսի, Լիբանանի, Սաուդյան Արաբիայի, Լիբիայի, Ալժիրի, Թունիսի, Սիալայա Արաբական Էմիրությունների, Բախրեյնի, Հորդանանի, Զուվեյթի, Մավրիտանիայի և Սոմալիի դեսպանները: Հանդիպմանը քննարկվել է Երուսաղեմի կարգավիճակը և հույս հայտնվել, որ այն դառնալու է խաղաղության քաղաք: Միևնույն ժամանակ արաբական երկրների դեսպանների կողմից բարձր է գնահատվել Ռուս Ուղղափառ Եկեղեցու դիրքորոշումը Մերձավոր Արևելքի խաղաղ բանակցային գործընթացում: Անդրադառնալով Չեչնիայում տիրող հակամարտությանը՝ դեսպանները մեկ անգամ ևս շեշտել են, որ դա հակասություն չէ իսլամի և քրիստոնեության միջև, որովհետև համաշխարհային այս երկու կրոններն ունեն այն ընդհանուր սկզբունքները, որոնք համագործակցության հիմք են ծառայում:

ԿՈՒԲԱՅԻ ՆՈՐ ՆՇԱՆԱԿՎԱԾ ԴԵՍՊՈՆԸ ՍՈՒՐԲ ԱԹՈՌՈՒՄ

Կուբայի նոր նշանակված դեսպան Իսիդոր Գոմես Սանթոսը դեկտեմբերի 2-ին հանդիպում է ունեցել Հովհաննես-Պողոս Բ Պապի հետ, որի ընթացքում Նորին Սրբությանն է հանձնել իր հավատարմագրերը: Պապը հանդիպման ժամանակ անդրադարձել է նաև Կուբայում խղճի ապատության օրենքի ոչ լիարժեք կիրառմանը, որն իր հերթին նպաստում է «բարոյական և նյութական չքավորությանը»՝ միևնույն ժամանակ կարևորելով Եկեղեցի-պետություն համագործակցության կարևորությունը: Իր պատասխան խոսքում դեսպանը շեշտել է, որ մինչև օրս ուժի մեջ է Սիալայա Նահանգների կողմից խրախուսվող միջապգային էմբարգոն, որը «ազդեցիկ» է ընդդեմ Կուբայի: «Ես վրդովմիջապգային էմբարգոն, որը «ազդեցիկ» է ընդդեմ Կուբայի: «Ես վստահեցնում եմ Ձեզ, Ձերդ Սրբություն, որ Կուբան միշտ բաց է եղել աշխարհի համար», - ավելացրել է նա:

ՆՈՒՄԻ ՊԱՊԸ ՆԱՆԴԻՊՈՒՄ Է ՈՒՆԵՅԵԼ ԴՈՄԻՆԻԿՅԱՆ ՆԱՆՐԱՊԵՏՈՒԹՅԱՆ ԵՊԻՄԿՈՊՈՍՆԵՐԻ ՆԵՏ

Ղեկավարների 11-ին Նորին Սրբությունը հանդիպում է ունեցել Ռոմինիկյան Հանրապետության եպիսկոպոսներ հետ՝ առաջնորդությամբ Սանտո Ռոմինգոյի կարդիանալ Նիկոլաս դե Ջիպուպ Լոպես Ռոդրիգեսի: Անդրադառնալով Ռոմինիկյան Հանրապետությանը հույզող այնպիսի հարցերին, ինչպիսիք են չքավորությունը, գործազրկությունը, ապահարկանների ու արհեստական վիժումների բարձր տոկոսը, Պապը եպիսկոպոսներին կոչ է արել ակտիվացնել Եկեղեցու հասարակական աշխատանքները: Ռոմինիկյան Հանրապետությունն ունի շուրջ ութ միլիոն բնակչություն, որից 95 %-ը կաթոլիկ են:

ՊԱՊԻ ԱՅՅԵԼՈՒԹՅՈՒՆԸ ԻՐԱՔ ԴԵՌԵՎՍ ՆԱՐՅԱԿԱՆԻ ՏԱԿ Է

Պաշտոնական Վատիկանը տակավին վստահ չէ, որ հնարավոր կլինի կապմակերպել Հովհաննես-Պողոս Բ Պապի այցելությունը Իրաք, որտեղ Աբրահամ նախահոր ծննդավայրն է: Մի քանի ամիս տևած բանակցությունները Վատիկանի և Իրաքի միջև առայժմ ոչ մի դրական արդյունք չեն տվել: Լրագրողներին տված իր հարցապրույցում Վատիկանի պետական քարտուղար կարդինալ Սոդանոն ասել է, որ, համաչայն նախնական պայմանավորվածության, այցելությունը պետք է տեղի ունենար 1999 թ. դեկտեմբերին: Հիշեցնենք, որ Միայրյալ Նահանգներն առաջինը բողոքեցին այս այցելության դեմ, սակայն միջադեպը շտկվեց, երբ Վաշինգտոնի պաշտոնյաներին բացատրվեց, որ Նորին Սրբության այցելությունը զուտ հոգևոր ուխտագնացություն է, և որ ուղևորության ընթացքին ոչ մի քաղաքական հայտարարություններ չեն արվելու: Սակայն որքան էլ դա տարօրինակ թվա, բարդությունները հարույժել են ոչ թե Միայրյալ Նահանգների, այլ հենց Իրաքի կառավարության կողմից: Այնուամենայնիվ Վատիկանը դեռևս հույս ունի, որ հնարավոր կլինի կյանքի կոչել Հռոմի Քահանայապետի այս ուխտագնացությունը:

ՆՈՒՄԻ ՊԱՊԸ ՄԱՆԱՊԱՏԻԺՆ ԻԲՐԵՎ ԲԱՐՁՐԱԳՈՒՅՆ ԴԱՏԱԿԱՆ ՊԱՏԻԺ ՎԵՐԱՅՆԵԼՈՒ ՆՈՐ ԿՈՉ Է ԱՐԵԼ

Դեկտեմբերի 12-ին իր կիրակնօրյա ավանդական ելույթում Պապը կոչ է արել երկրի բոլոր իշխանություններին միանալ՝ արգելելու համար մահապատիժն իբրև դատական վճիռ: «Մարդկությունն այսօր ի վիճակի չէ,- ասել է նա,- այլ միջոցներով պայքարելու հանցագործների դեմ»: Նույն օրերին Սուրբ Էգիդիո համայնքը Հռոմում մի շարք միջոցառումներ էր կազմակերպել՝ հասարակության ուշադրությունն այս կարևորագույն խնդրին գրավելու նպատակով:

ՊԱՊԻ ՑԱՎԱԿՑՈՒԹՅՈՒՆՆԵՐԸ ՎԵՆԵՍՈՒԵԼԱՅԻ ԺՈՂՈՎՐԴԻՆ

Նորին Սրբությունը ցավակցական հեռագիր է հղել Վենեսուելայի ժողովրդին՝ աղետաբեր ջրհեղեղի կապակցությամբ: Նա հավաստիացրել է նրանց, որ աղոթելու է գոհերի և տուժածների համար: Միևնույն ժամանակ Հռոմի Զահանայապետը կոչ է արել բոլոր մարդասիրական կազմակերպություններին և «բարի կամք ունեցող մարդկանց»՝ աջակցել և անել հնարավոր ամենը՝ այս բնական աղետից տուժածների տները վերականգնելու համար:

ՊԱՊԻ ԿՈՉԸ ՆԱՎԱՏԱՑՅԱԼՆԵՐԻՆ ԱՄԱՆՈՐԻ ԿԱՊԱԿՑՈՒԹՅԱՄԲ

Նորին Սրբություն Հովհաննես-Պողոս Բ Պապն իր խոսքն ուղղելով Կաթոլիկ Եկեղեցու հավատացյալներին՝ կոչ է արել Տիրոջ Ծնունդը տոնել «պարզ և արթուն» կերպով: Թեև նվերներ տալը հին և գովելի սովորություն է, սակայն այն երբեք չպետք է գերիշխի Հիսուս Զրիստոսի Ծննդյան հրաշափառ խորհրդի վրա: Փողոցների և այլ վայրերի գոյնզգույն լույսերն ու վարդախառնները Սուրբ Ծննդյան միայն արտաքին դրսևորումներն են և անհրաժեշտ է փորձել հասու լինել Հաշտության անմեկնելի խորհրդին:

ՉԵԽԻԱՅԻ ՀԱՆՐԱՊԵՏՈՒԹՅԱՆ ՆՎԵՐԸ ՎԱՏԻԿԱՆԻՆ

Չեխիայի Հանրապետությունը Նոր տարվա և Սուրբ Ծննդյան կապակցությամբ Վատիկանին էր նվիրել 85 ոտնաչափ երկարություն ունեցող մի եղևնի, որը տեղադրվել էր Սուրբ Պետրոս տաճարի առջև: Բայցման հանդիսավոր արարողությանը մասնակցում էին հատուկ այս առիթով Վատիկան ժամանած Չեխիայի Հանրապետության նախագահ Վաչլավ Հավելը և չեխ կարդինալներ Սիրուսլավ Վլկը և Էդմունդ Սպոկան:

ՀՈՔԵԼՅԱՆԱԿԱՆ ՏԱՐՎԱ ՎԵՐՋՆԱԿԱՆ ՆԱԽԱՊԱՏՐԱՍՏՈՒԹՅՈՒՆՆԵՐԸ

Դեկտեմբերի 23-ին Վատիկանի պաշտոնյաները հայտարարեցին Հոբելյանական տարվա վերջնական նախապատրաստությունների մասին: Ստացվել են շուրջ 62.000 խնդրագրեր Սուրբ Պետրոս տաճարում տեղի ունեցող Դռնբայեքի արարողությանը մասնակցելու համար, սակայն միայն 8.200 հոգի հնարավորություն կունենան մուտք գործել տաճար: 44.000 նստատեղիներ են պատրաստվել անմիջապես Սուրբ Պետրոս տաճարի դիմաց: Բայց այդ, քաղաքի հատուկ վայրերում տեղադրվել են մեծ չափերի հեռուստատեկրաններ, որոնք հնարավորություն կընձեռեն ցանկացողներին մասնակից լինել արարողությանը: Ընդհանուր հաշվարկով Դռնբայեքի արարողությունը հեռարձակվելու է շուրջ 58 երկրներում: Իրականում, սակայն, միայն 300 հոգի են անմիջապես Պապին մոտիկ գտնվելու այդ բացառիկ արարողությանը, որոնց թվում են երգչախմբի անդամները, կարդինալական դասը, Իտալիայի նախագահը, քաղաքապետը, երկրի ակնառու քաղաքական գործիչները և Վատիկանում հավատարմագրված օտարերկրյա դիվանագիտական անձնակազմը: Դռնբայեքի արարողությանը կմասնակցի նաև Կ. Պոլսո Հայոց Պատրիարք Մեսրոպ արքեպիսկոպոս Սուրբաֆյանը: